

四無礙解

一、二大辭典釋四無礙解

【佛學大辭典】四無礙解又云四無礙智，四無礙辯。是為諸菩薩說法之智辯，故約於意業而謂為解，謂為智，約於口業而謂為辯。

【佛光大辭典】梵語 *catasrah pratisamvidah*。略作四無礙、四解、四辯。即指四種自由自在而無所滯礙之理解能力（即智解）及言語表達能力（即辯才）。均以智慧為本質，故稱為四無礙智；就理解能力言之，稱為四無礙解；就言語表達能力言之，稱為四無礙辯。又此為化度眾生之法，故亦稱四化法。據《俱舍論》卷二十七載：

1. 法無礙解

法無礙解（梵 *dharmapratisamvid*），又作法無礙智、法無礙辯、法解、法無礙、法辯。謂善能詮表，領悟法之名句、文章，並能決斷無礙。

2. 義無礙解

義無礙解（梵 *arthapratisamvid*），又作義無礙智、義無礙辯、義解、義無礙、義辯。謂精通於法所詮表之義理，並能決斷無礙。

3. 詞無礙解

詞無礙解（梵 *nirukti pratisamvid*），又作詞無礙智、詞無礙辯、辭無礙智、辭無礙辯、詞解、詞無礙、辭無礙、詞辯、辭辯。謂精通各種地方方言而能無礙自在。

【佛學大辭典】辭無礙，又云詞無礙。於諸方言辭通達自在，名爲辭無礙。

4. 辯無礙解

辯無礙解（梵 pratibhāna-pratisamvid），又作辯無礙智、辯無礙辯、樂說無礙解、樂說無礙智、樂說無礙辯、應辯。謂隨順正理而宣揚無礙；或亦稱樂說，係爲隨順對方之願求而樂於爲之巧說，故稱樂說。

【佛學大辭典】樂說無礙，又云辯說無礙。以前三種之智爲眾生樂說自在，名爲樂說無礙。又契於正理起無滯之言說，名爲辯無礙。無滯之言說即辯也。

二、《十地經》¹釋四無礙解

所謂法無礙解、義無礙解、詞無礙解、辯說無礙解：以法無礙解，知法差別；以義無礙解，知義差別；以詞無礙解，隨諸言音演說正法；以辯說無礙解，隨意樂智演說法要。

復次，以法無礙解，了知現在諸法差別；以義無礙解，如應了知過去、未來諸法差別；以詞無礙解，於去來今無雜說法；以辯說無礙解，於一一世能以無邊法明說法。

復次，以法無礙解，依現法智了知差別無雜善巧。以義無礙解，依於比智了知諸法如是性安。以詞無礙解，依世俗智顯示解釋。以辯說無礙解，依勝義智善能說法。

佛子！菩薩安住第九善慧地已，成就如是無礙解智，得佛法藏，作大法師。

¹ 見《佛說十地經》（卷7）菩薩善慧地第九 T10, p564c – p565c。